

欽定剿平三省邪匪方略

欽定剿平三省邪匪方略正編卷十三

丙辰年

七月初一日

甲辰

上命軍機大臣傳諭福寧觀成曰孫士毅患病沉重
福寧既知親來視疾自應一面將孫士毅送回平
塊移駐紅巖堡軍營一面將川督印篆接署安撫
圍營兵將鼓勵新到士兵再行檄催觀成速來會
合諸神保以爲夾攻旗鼓聚之計乃計不出此祇

知料理孫士毅起身而於軍旅之事全無調度初
不料其拘泥糊塗竟至如此著傳旨嚴行申飭福
寧現在紅巖堡駐劄彈壓已令接署川督印務卽
將新到土兵傳旨各賞一月鹽菜口糧並鼓勵將
弁兵勇會合觀成諸神保將旗鼓寨夾擊蕩平再
合兵向北將長陽巴東一帶賊匪殲淨並著傳諭
觀成英善諸神保林雋等無論在省在營一體不

分畛域幫同福寧照料再向隨孫士毅帶兵將領
內於孫士毅疾劇時如有統率闔營料理一切之
人並著福寧等會同詳查指名奏聞候旨鑒敘

初三日丙午明亮奏言臣於二十一日趕赴孝感

所屬之楊店驛興漢鎮總兵德光亦帶兵先後

齊集探訪賊匪俱屯聚胡家砦等處臣隨親領

總兵德光副將九十百祥明安占并巴圖魯侍

衛等前往賊巢臨近之漣川舖細看賊巢前有
小河一道後背山崗餘俱低窪水田賊人因得
負險自固以致我兵兩次未能得手查賊巢西
離縣城三十五里兵勇設卡嚴密毋虞奔突南
北兩路亦嚴兵堵禦惟楊店在賊巢之東相距
祇十五里爲驛站大道賊匪聞臣統兵將到希
圖竄逸於十七十八二十等日屢撲楊店之四

緊要並不拘泥卽將所帶之兵全數帶往孝感協
同胡亮攻剿尙有見識今伊二人在彼足資辦賊
明亮等惟當卽將賊匪悉數殲除酌量何處最近
卽先移兵援應明安占著卽以該營副前鋒叅領
陞用仍戴本職翎頂署理副將事務如果始終奮
勉打仗出力卽留楚省以叅遊補用

聖諭 初四日

丁未

福寧奏言查旗鼓寨賊匪恃衆抗拒

臣

於六月十八日親赴各卡查點川省兵將所

爲激勵一面密札諸神保慶溥等預備攻擊十

九日五鼓

臣

分兵五路督令副將何元卿等同

時向旗鼓寨進發並令各卡齊放鎗礮遙作聲

援以分賊勢賊人竟敢四出迎拒而賊巢之外

要隘山梁均有小卡兼之坡坎陡削道途叢雜

並於要道挖有深坑壕溝爲死守之計我兵繞

道而進搶占山包拋擲火彈燒燬小卡數處賊
賊殆盡乘勢直前寨內大隊之賊搖旗吶喊各
路均有數千人捨命抵禦我兵奮勇擊殺斃賊
甚多見有白旗搖展賊寨內卽又有多賊續來
接應蜂擁而出臣督率鎮將弁兵鼓勇奮擊時
已酉刻臣將預備乾糧給兵丁等飽餐乘夜擊
剿逆匪抵死迎敵我兵愈殺愈勇賊人漸不能

支並偵知首逆胡正中帶領匪徒潛從山溝小路暗行繞出副將慶溥聞信卽分帶兵勇迅往埋伏突出奮擊當經慶溥率同把總石開富外委蔣吉賢劉洪升龍山縣廩生陳君弼朱宏增等奮勇上前將胡正中並伊母彭氏伊弟胡正連同時拏獲餘賊仍死守巢穴併力抵禦直至二十日中刻適值大雨冰雹山水驟至暫行撤

住此次打仗兩日一夜川楚將弁屯上兵勇人等無不人人用命殺賊不可計數生擒夥賊二十七名臣當提首逆胡正中親自研訊該犯頭面及右腿於被擒時均已受傷應否解京抑或卽在本處臠割以快人心伏候

訓示至胡正中之弟胡正連及其餘所獲各犯訊無要供均已卽行正法伊母彭氏歸於綠坐案內

辦理傷亡官兵查明咨部卹賞至來鳳教匪於
二月中糾聚滋事到處逼脅此時均歸併旗鼓
寨一處夥賊尙有數萬之多

臣

與諸神保兩處

之兵不過千餘分布城卡卽孫士毅原帶戰兵
亦僅二千餘名萬山之中早晚瘴霧甚重又兼
時值初伏炎氛甚熾士兵尤不耐暑不得不愛
惜兵力畧予休息卽行進取第思首逆胡正中

既欲潛逃其餘賊人自必咸思逃竄況咸豐宣
恩等處亦有習教匪徒不可不加意防範臣現
在紅巖堡駐劄其龍山來鳳兩處城卡已飛行
諸神保慶溥在彼晝夜堵禦並令川兵各卡一
體嚴防以免疎虞

福寧又奏言六月初間據龍山縣典史王謙稟
有賊目向清夥賊安定邦攜帶眷屬同時投出

臣面加察看並詳詢旗鼓寨情形尙爲真切當將向清留在龍山令安定邦仍回賊巢遇便出力此次打仗安定邦探知胡正中潛從小路繞出卽行密稟擒拏是其悔過情真尙非虛假現將該二犯暫留俟事竣之後再行酌辦

同日宜綿奏言

臣

駐劄西安密遣能幹員弁分

往湖北探得襄陽鍾祥宜都長陽等處剿辦賊

匪不日可以歲功惟當陽縣城因兵力較單尙未收復

臣

思當陽控制荆襄最關緊要各處賊

匪見當陽日久不下或恐愈堅其從賊之心况

鄰近之鍾祥已有匪徒竊發

臣

愚昧之見以爲

當陽一下則羣賊喪膽前後遠近悉成瓦解之

勢現將防守興安鄖陽商州兵內抽挑一千名

派委署總兵觀祥叅將馬兆瑞羅廷弼分路帶

領俱由水路行走順流而下不過數日可至襄陽逕赴荊門州由陸路馳往當陽會剿俟當陽收復仍探聽何處尙有餘匪卽由該處飛赴協同搜捕至鄖陽興安商州等處四境肅清民情安堵但巡防堵截兵備亦不可少疎臣仍於陝甘各營內酌量檄調前往添補均奏入

上命軍機大臣傳諭永保福寧畢沅曰福寧此次在

紅巖堡分兵五路直撲旗鼓寨搶占山包燒燬賊
卡拏獲賊首胡正中深爲可嘉福寧及諸神保慶
溥何元卿俱著賞喜字玉搬指火鐮包大小荷包
慶溥何元卿仍著存記遇有總兵缺出卽行陞用
其餘帶兵出力人員著查明咨部議敘所有此次
打仗兵丁冒暑進攻均屬可嘉著加恩各賞一月
錢糧其土兵亦著賞一月鹽菜口糧俾益知鼓勵

典史王謙因賊首向清等懇請投出自効卽能探
知賊首胡正中潛出之信密稟擒拏所辦俱好王
謙著卽以縣丞陞用如果再有奮勉出力福寧察
其才具堪膺民社卽以知縣奏補其投誠効力報
信之安定邦並著賞給八九品頂戴以示獎勵賊
首胡正中於被擒時已受重傷著卽於該處凌遲
梟示現在該處賊匪經官兵痛剿後勢已窮蹙唯

據獲犯供稱有賊匪甚多並創挖溝濠掘斷道路
之語此不過虛張聲勢爲搖惑我軍之計不足憑
信今賊首胡止中已獲祇須再將有名頭目速行
擒捕則此等烏合之衆自必望風解散可以不攻
而潰福寧等惟當趁此兵威勝勢直前進剿將賊
匪首夥悉數殲擒不可稍有停留與賊以暇至所
帶土兵性不耐熱福寧於剿爭旗鼓寨賊匪後如

果無須帶往卽撤令四營再宜綿因聞當陽兵力
較單於防守興安卽陽兵內抽挑一千名委觀祥
等帶領馳赴甚爲可嘉亦著賞給玉搬指火鐮包
大小荷包畢沅攻圍當陽日久尙在株守今又得
此生力兵丁一千名更足以資攻剿若再不速將
縣治肅清賊匪剿淨畢沅更有何顏寧不自知羞
愧乎

初六日配祖之望奏言六月二十六日接奉署
廣州將軍明亮札以總兵德光所帶之兵已到
孝感紮營未便再行撤赴長陽榔坪等處令將
安嶽兵五百名江西後起兵五百名催赴長陽
等因臣查安徽官兵原係派赴孝感但長陽榔
坪等處剿捕刻不容緩適安慶協副將德楞於
是日領兵五百名陸續到省臣卽一面咨會德

初一面飭屬安速應付尅日徑赴長陽協剿其
續調江西兵頭起五百名已於本月十六日由
水路分赴孝感楊店臣於各官兵未到之先惟
恐賊匪聞風竄逸已將前次分駐武漢黃州各
兵先儘撥赴孝感移飭在事文武各員添設要
卡加謹圍堵以待大兵痛剿而黃州所屬之黃
岡黃安羅田等縣俱與孝感山路可通省城漢

鎮戶口殷庶相距甚近

臣

實日夜懸心是以將

後起江西兵五百名照前撥補分駐以資鎮壓

實不能撤赴長陽

臣

斷不肯以有用之兵置之

無用之地亦不得不於無事之時常作有事之

備理合據實奏

聞至孝感賊匪經署督標中軍副將額勒金保於六
月十二日率同江西都司福寧阿等帶領兵勇

分投巡卡至熙豐舖地方會合賊從老林擁出
數百人計圖抄截額勒金保等卽令兵丁放鎗
擊打當有熙豐舖守卡武童沈瓊馮玉堂帶領
鄉勇接應計鎗斃賊匪數十人割獲首級十七
顆餘賊星散奔回十四日以後署道祥鸞與額
勒金保福寧阿督同將弁及同知陳元京知縣
沈琦等屢得勝仗又距楊店二十餘里之柯家

灣有柯士傳等習教欲投胡家砦入夥經該處
監生彭琳同子武生彭定暉稟報官兵前往四
面焚剿賊徒不及防備殺斃百餘人被焚及落
塘淹斃者二百餘人生擒教首柯士傳柯士尙
並柯士傳之子柯道太等三犯訊係傳習邪教
約定先搶彭定暉家糧食就往胡家砦入夥並
聞砦中缺少油鹽陸續買鹽百餘包希圖運往

接濟已被焚燒等語隨將該犯等正法梟示

臣

當飭將監生彭琳等先給予加等頂戴以示鼓

勵一面報明督撫臣備案又距楊店十五里之

三义埠本係分銷引鹽市鎮賊衆最所窺伺有

該處首事鄉耆朱清泰等四人商人吳裘許嶸

許枝等九人生監屠煌等七人各自團聚鄉勇

數千人賊衆屢次攻撲皆被擊退

臣

等查知卽

將各首事分別給予頂戴俾益加奮勉並經鹽
法道保定捐給米石接濟鄉勇口食以資堵禦
又據署縣許恂縣丞王永鎮巡檢顧何曾千總
趙治國把總蔣玉珍等先後稟報盤獲賊匪多
名俱經分別正法其鄉愚被誘習教悔罪投出
男婦三百餘名亦經審明取保寧釋是胡家砦
內圖竄賊匪屢被截殺多人已足以寒其膽而

若外匪黨或被獲正法或自首安插更足以孤
其勢現在署將軍明亮統領勁旅已到楊店一
經部署周妥即可指日悉數殲除奏入

上命軍機大臣傳諭永保惠齡明亮曰祖之望奏節
據稟報官兵剿殺賊匪情形所辦尙好胡家砦屯
聚賊匪於明亮未到之前屢經官兵分投截殺不
致乘間竄逸明亮前抵該處已設法布置進逼賊

巢自可卽時撲滅所有明亮未到以前之帶兵出力官員卽著明亮查明咨部議敘其隨同官兵打仗殺賊之監生鄉勇等查明實在出力者分別賞給頂戴並酌加獎賞以示鼓勵至續調江西後起兵五百名現經明亮派赴長陽而祖之望以黃州所屬地方與孝感接近業經派撥分駐未便撥赴長陽亦祇可如此辦理明亮自到孝感已及旬日

且兵力不爲不厚此等朋聚賊匪無難迅就殲除
現在榔坪賊匪亟須剿捕而江西續到之兵已留
孝感未能撥赴長陽明亮惟當將胡家砦賊匪速
行剿捕淨盡以便與德光等移兵馳赴榔坪協同
搜捕旦胡家砦賊匪在附近村莊焚搶時該處各
鄉勇尙能堵截剿殺况明亮等帶領多兵更無難
迅速剿除也至署副將額勒金保此次打仗殺賊

尙屬奮勉如果始終出力遇有副將缺出卽行補用又據奏商人吳裘等各自團練鄉勇屢次擊退賊匪該商人等是否卽係鹽商並著永保一併查明酌加獎賞

初八日

辛亥

永保恒瑞慶成鄂輝奏言

臣

等差探

毗連隨州之梓山一帶先有賊匪屯紮誠恐張家塢逸賊復行竄入辦理更費周章隨公同商

議必先分兵三路追捕逸匪然後再行會合進

攻梓山可期一律順利

臣

永保率同總兵富成

等帶兵由西南一路追剿

臣

恒瑞鄂輝率同副

將皂靈保等帶兵由正南一路追剿

臣

慶成同

總兵德齡等帶兵由東南一路追剿於六月二

十三日丑刻同時並進午刻官兵會抵神龍山

與梓山賊寨緊逼偵探賊匪已先將婦女幼孩

分別護送遠竄祇留精壯賊匪數千分布山北
扼要佔據勢甚兇悍官兵人人思奮卽于二十
四日黎明一鼓前進鎗礮齊發自卯至午擊傷
賊匪甚多逆匪愍不畏死數次上前衝撲

臣等

一面令巴圖魯侍衛祥金保等帶領馬兵從旁

抄繞

臣

慶成身冒矢石親率奮勇弁兵施放噴

筒拋擲火彈衝入賊隊賊衆正在慌亂之際

臣

永保恒瑞鄂輝督率弁兵一擁直上賊衆退縮
我兵乘勢縱橫截殺鎗擊箭射斃賊不計其數
餘賊披靡奔竄內有騎馬督戰賊婦一人尤爲
兇惡旋亦中鎗墮馬斃命并拏獲活賊宋維清
等三十餘名訊據供稱騎馬督戰賊婦卽係梓
山賊目王茂壯之妻現在王茂壯夫婦皆被殲
斃隨將各犯正法梟示此外附近之清潭茅茨

吸等處亦有舊屯賊匪本擬卽日進兵全行掃
蕩因日來天氣炎蒸更甚一面移營至九里岡
駐劄俾官兵休息一二日再行長驅直入再此
次有巴圖魯侍衛提卜克蘇因臨陣殺賊立時
中暑身故其陣亡受傷各弁兵容俟查明另行
咨部

永保恒瑞慶成鄂輝又奏言伏查棗陽縣被賊

匪滋擾之時經都司王化龍及該縣知縣王廷
珪等督同在城文武預爲整備防範屢經賊匪
圍繞攻撲均被鎗礮擊退是以賊匪未能得勢
都司王化龍前經

賞戴花翎知縣王廷珪督同訓導龔應元典史劉大
本並貢生楊開坤生員錢捷元醫學李明早縣
丞職銜曹承燕均在城巡查不辭勞瘁該縣城

守把總何超萬及派赴防守之西安軍標中營
千總郭遇恩左營把總海朝龍右營額外外委
張成禮提標宜君營外委許建英河南撫標左
營千總張松林左營學習武舉耿廷棟左營外
委喬興年均能在城督率兵丁分段日夜竭力
防守得以無虞可否量予議敘之處出自

天恩

同日畢沅舒亮奏言竊自王之亮割獻偽帥楊
起元首級之後當陽賊人懷疑慌亂正當乘機
一鼓登城爲掃穴犁巢之計惟思賊匪原有五
千餘名係東湖遠安荊門興山各處極惡匪徒
之一大股兼有鹽梟軍犯奸宄惡吏羣凶所萃
人數衆多驍悍非常殲戮數十次殺斃二三千
人現在剿餘逆賊尙有二千餘名此時自知萬

無生路人人懷必死之心捨命決戰且恐衝突
他竄貽患別處我兵四月辛勞收功全在此舉
尤須謀而後動事出萬全官兵本止一千數百
名既多傷亡受病又有礮臺八座營盤七座係
礮位軍火糧米重地不得不留兵看守其上陣
打仗之兵不過四五百名實在單薄可慮因於
附近卡座抽挑精銳鄉勇分守各營盤礮臺卡

座換出原守官兵上陣打仗尙有不敷廣爲雇
集許以厚賞激以大義三日之內遂得結實可
靠鄉兵二千餘名以一千名爲替換官兵守營
之用以一千名爲隨同官兵打仗殺賊之用

臣

舒亮率同署宜昌鎮黃瑞候補叅將烏爾卿額
道員高杞於東面爲一路南陽鎮阿克棟阿糧
道舒永阿於北面爲一路候補知府常丹葵候

補副將蔡鼎馬爲錦袂補叅將什圖於西面爲
一路副都統成德率同佐領貴福防禦明祿於
南面爲一路又令都司六十五藍翎六達色守
備羅大炳把總馬瑞圖知縣魏耀汪雲銘主簿
程永烈帶領荊州鄉勇之投効監生錢丙曜等
各帶兵勇及投出良民羅成六等於東西南北
四隅另分四路進攻並飛囑汪新督率所帶鄉

勇於河洛後路加嚴堵截並飭荊州府知府崔
龍見及附近州縣並水陸要隘各委員一體晝
夜防範以防竄逸臣畢沅親至前敵往來策應
申令三軍告以富陽小醜日久未破致煩

宵旰焦勞幾至無顏上對

聖主此次進兵不獲不休無論官兵鄉勇若有一人
不努力者卽在軍前正法得城之後奏

聞優賞嚴切誥誡人人感激思奮遂於二十五日五
路同時並進賊人見官兵勢既勇猛進路
復多遂糾合羣醜悉衆上城蜂屯蟻聚櫛比城
頭我兵各用鎗礮連環轟擊撩擲火彈火毬繼
以矢石賊人亦用鎗礮火彈亂石以死抗拒二
十六七等日連夜急攻兵勇積憤已深人人効
命臣舒亮所帶攻打東門兵勇於二十八日五

鼓從東門缺口奮勇躍入立將賊人所築子牆
飭令兵勇從鎗礮矢石之中全行拆毀一擁入
城呼聲震天進占東門將逆賊所築偏橋礮臺
及附城藏賊房屋全行焚燒殺賊五六百名割
獲首級二百餘顆生擒賊匪鄭汝祥等六十七
名是時賊見東城已破卽退入城心高牆大屋
之內負隅屯聚牆外街巷又經賊人預先築牆

挖濠暗藏地窖機械甚多並於高牆上密挖孔
眼無數層層安放鎗礮藏貯石塊灰瓶沸湯擊
打臣等於東門城頂及附近南門城上安設礮

臺數座加列大礮十餘尊儘力轟擊賊人尙在
城中西北隅蟻聚抵禦矢石如雨刀矛如林鎗
礮接續不斷兵勇亦間有傷亡但我兵已進據
東城西南北三面營盤又層層圍守惟有鼓勵

全營兵勇逐步進逼痛加搜捕以冀全數掃犁
上紆

聖鑒

畢沅舒亮又奏言

臣

等帶兵進剿之際有無數

老幼男婦鵠面鳩形奄奄一息一步一哭而來
幾於不能行走細加詢問咸稱皆係良民官兵
未進城時賊人錮禁甚嚴今見大兵進城逃出

求生等語

臣

等具

其各帶病容並無強悍形狀

亦非能爲賊出

者自係難民無疑當經宣布

恩旨好爲安撫令其無

庸畏懼聽候撫卹各叩頭感

泣民心歡豫再北

自入伏以後江河異漲荆門

潛江沔陽公安監

州等州縣漫淹甚重被災各

處多有附近賊匪

蹂躪之區民間驚魂未定又

遭蕩析離居不但清堪憫惻且大有關係亟應

加意撫綏毋使賊人乘機煽誘

臣

將當陽搜捕

餘匪及善後諸事趕緊辦理一俟部署妥協卽
星馳前往各災區督率各員親爲撫卹以副

聖慈軫念災黎至意

同日明亮奏言

臣

於六月二十六日率同莊浪

協副將九十帶領

固原兵五百名西安滿兵一

百名移營澧川舖

派令德光率同遊擊馬斌帶

領寧夏兵四百名別立一營又派副將百祥率同署守備馬滿海預保千總楊吉帶領固原兵四百名別立一營又派署副將明安占在茶菴橋率同守備陳之壯帶江西兵三百名別立一營從澧川舖至茶菴橋約有八里共立四營連絡聲勢離賊巢河干不過二里賊人見我兵逼近情急勢蹙卽乘挖濠安營之時蜂擁前來一

日之內抵死撲營三次當經

臣

督同德光等率

領兵弁奮勇堵殺竟有捨命撲近營來者皆被

巴圖魯侍衛丑保等率領西安滿兵二十名鎗

箭齊發盡行殲斃賊勢難支始各渡河奔回官

兵追至河干見河西盡是水田道路未能十分

明晰恐墮其計且其時各營溝壘尙未趕設齊

全未便冒昧輕進至二十七日早

臣

正在察看

地形望見賊寨西南山岡搭有松棚屯聚數百
人又見賊寨左近各村皆有匪徒奔赴棚內料
必復來撲營正在分飭將弁前往堵剿已刻賊
果率領三千餘人渡河直撲明安占營盤抵死
衝突毫無畏懼當令德光帶領巴圖魯侍衛西
安馬兵二十餘人會同百祥明安占馬斌堵殺
臣見賊衆合力撲營其岡上卡棚只有數百餘

賊若乘虛領兵直撲山岡卡棚則胡家砦近依岡下我兵居高臨下必能得勢隨率同副將九十遊擊常格帶領固原兵四百名飛速渡河卽照賊匪行走路徑橫擊中要直抵山岡賊匪首尾不能兼顧倉皇錯亂撲營之賊又被德光等殺敗不敢上岡從岡下奔回寨內臣乘勢追趕察看胡家砦北半里餘有黃金廟一處樹林叢

密知有設伏必得先往搜剿我兵直撲賊寨方
無腹背受敵之虞卽派固原營守備徐得督標
守備陳之壯領固原寧夏江西兵各五十名同
巴圖魯侍衛丑保三等侍衛墨新領西安滿兵
三十名前往搜剿果有賊匪三百餘人撲出抗
拒被徐得等同官兵施放鎗箭賊人力不能敵
正欲逃竄被追賊大隊官兵盡行殄斃臣因水

田難進將各營官兵會聚山岡直撲松棚賊人見兵勢奮勇皆敗入在內查賊寨防備甚嚴外有木城一層內有板城一層中隔深寬塘堰週圍環抱只有靠山岡小路一條可通行走賊匪恃此抗拒膽敢在小路前轟擊大礮又復鎗石如雨希圖固守若不及時乘勝直入恐致有需時日而我官兵吶喊爭先不避鎗礮正在進攻

喫緊之時賊匪施放大礮將備用火藥一齊烘
燃賊匪自行轟斃百餘人我官兵一鼓而進將
木城板城二層拆毀隔塘施放火箭拋擲火彈
彼時風微不甚焰烈賊匪仍復死守猶在牆頭
屋上及牆穴牕隙施放鳥鎗拋擲石塊官兵間
有受傷不但全無退縮更能涉水渡塘踴躍上
屋擒賊奪取鎗矛勇氣倍加至午時南風大作

火焰四起賊匪越上屋頂復放鎗擲石官兵於
四面亦用鎗礮攻打是日自巳至亥賊巢房屋
燒燬過半賊見火勢甚烈鎗箭頻加又見四面
圍攻無路竄逸號叫聲聞數里燒斃及投塘淹
溺者男婦不計其數至二十八日辰時賊巢燒
燬殆盡儘後一層屋內有男婦一千餘人擁出
投塘當令兵丁紮筏盡數擒獲共計男婦一千

餘名誠恐尚有藏匿復親率員弁於寨內外四處搜查火燼之中復擒出被燒未死數十人卽行正法並起出德安營叅將印信一顆現將生擒各犯飭令隨營道府審訊臣自泥河口襄陽剿除逆匪以來賊人屯聚防守戕害官兵未有如孝感之甚者仰賴

皇上洪福竟能以兩日一夜之力一鼓殲除實非意

料所到四鄉紳士老幼無不歡忭各具壺漿簞
食酬勞官兵再

臣

察看賊匪騷擾各村週圍約

四十餘里幸其中田禾地畝爲賊蹂躪者不過

十分之三鄉村房屋被賊燒燬者亦尙存十分

之七所有被難逃出百姓自卽聞風遷回應行

撫卹事宜卽就近札飭藩司交在事道府確查

詳辦至此次打仗受傷陣亡之把總外委兵丁

除造冊咨部外其出力奮勇人員以及奪獲礮
位鎗矛軍器數目並賊目口供巢穴地形繕單
繪圖一併恭呈

御覽

明亮又奏言竊照湖北教匪滋事蔓延多處各
府縣於官兵未到之先均各團聚鄉勇以資捍
禦富紳大戶亦各自相糾集保護村莊或奮勇

殺賊或助官兵聲勢於地方誠爲有裨

臣

自泥

河口襄陽一帶及現抵孝感細加察看所有鄉勇本無紀律原不足恃當地方官匆促招募祇求多多益善其中遊手無籍之徒及年老幼稚濫充人數者正復不少且教匪輾轉傳授情殊叵測鄉勇內難保無首鼠兩端之人隱而不露良莠難分倘心志不定所關匪細卽實係鄉民

數月以來視殺戮爲常以鎗箭爲事棄其本業
安食口糧在官亦祇能獎勸鼓勵不能一律約
束事平之後若稍有疎忽不能妥協安頓恐致
別生事端臣現在剿平孝感賊匪自應查明奏
聞懇乞

皇上格外恩施優加獎賞使之心感

皇仁一面飭令藩司交該府縣查造名冊存記檔案

先行收繳防賊兵器其中有富戶紳士督率者
卽令領回各鄉安業或有房舍田廬被賊蹂躪
者亟應酌量撫卹斷不可用其春夏之力失其
秋冬之計務須明示安撫倍加約束俾令衣食
有資羣知感激如此則衆心歡躍歸田理業閭
閻一律安堵似爲善後第一要務現飭該司道
府縣查照辦理又

臣

帶有隨營辦事之知縣陳

桂生直隸州判胡密二員管理文報料理軍
務一切均能無悞實屬有志出力之員可否仰
懇

天恩量加獎賞俾臣行營辦事得收指臂之効

同日成德惠齡富志那文圖奏言臣等自連奪

賊卡以後因官兵多患暑疾暫爲休息調理因
於賊巢外用大礮四面轟摧俾賊匪不遑奔救

一俟賊情慌亂卽可長驅直入

臣

等公同商酌

必須先將賊巢以外所餘各卡全行奪獲方克直搗中堅隨於六月二十五日丑刻同時進攻詎賊人藏身卡牆之內見我兵逼近卽拋擲火彈石塊驟如雨下官兵一面用牌擋護一面放射鎗箭賊匪伏于溝內鎗箭越過不能及身官兵趁勢直撲賊匪又用火彈石塊拋擲如前攻

撲半日之久賊匪伏屍牆內者固多而兵勇受傷者亦復不少

臣

等激勵官兵更番飽食連夜

攻撲賊人捨命抵拒毫不退避二十六日暫將

官兵撤回防禦仍用大礮轟擊正在密派精細

兵勇前往察探間適於是夜三更有自賊巢逃

出之魯亮遠等男婦大小三十餘名口赴營投

首

臣

等隨公同究問僉稱我等俱係良民被擄

上山如今見有投出免死告示故敢逃出現在
山上匪徒男婦尚有萬餘張正謨逼脅匪徒強
壯家小一齊派出各卡內把守現在賊牆之內
遍處埋有地雷並稱張正謨因連次被官兵埋
伏截殺甚多不許聚黨追趕祇在牆上放鎗並
不出卡等語臣等當卽分別安插管束並令在
賊巢左近高聲招喚被擄良民投出免死以散

其黨並傳知各營派定官兵時時預備但聞大
營礮響卽一齊出捕二十七日二更後有賊匪
千餘人由張家腦王母洞兩處山溝蛇行而下
卡兵窺見飛報臣等施放號礮各營齊出分向
兩處圍擒賊匪因天黑路陡盡伏不動我兵不
知賊在何處忽然電光閃爍直射山溝我兵見
賊卽排鎗環擊殺死無數賊向張家腦奔逃官

兵乘勝追進賊匪棄卡逃上賊巢我兵卽將張
家腦賊卡占據並將附近兩賊卡一併奪獲至
榔坪賊匪自攻破小峯埡卡口後經官兵鄉勇
齊心堵禦又經派撥官兵前往賊匪聞風惟在
小峯埡一帶潛行游奕來去無常其歸州之賊
現亦仍復遁回臣等惟有趕緊將灌灣腦賊匪
殲洗淨盡卽移兵前往分投剿捕以冀一鼓蕩

平均奏入

上命軍機大臣傳諭永保畢沅惠齡明亮曰永保等
合兵攻克梓山賊寨殲斃賊目所辦亦足稱快但
總未將賊首拏獲恐致竄逸他處又復潛行勾結
永保正當乘兵威聲勢一面追剿一面截其去路
使賊匪無從他竄將首逆悉數拏獲則其餘夥黨
自必望風而潰雖竄逸賊匪多在附近窺伺未便

冒昧輕進但曠日持久焉能迅速成功永保等惟
當倍加奮勉及早剿辦肅清地方以便移兵分赴
有賊處所協力剿辦此次帶兵打仗之護軍校提
卜克蘇中暑身故深爲可憫著加恩令其子補授
護軍校並加賞銀一百兩以示軫卹其傷亡弁兵
俱著查明咨部分別卹賞又防守棗陽縣守城出
力人員內都司王化龍著加恩以叅遊酌補知縣

王廷珪著以知州陞用其餘訓導典史及千把外
委武舉生貢等俱著一併咨部議敘用示獎勵至
惠齡等連日打仗占奪賊卡亦未能直搗賊巢擒
拏賊首灌灣腦賊匪屢經官兵剿殺連奪賊卡今
又將張家腦及附近卡隘俱行攻克賊匪勢已窮
蹙不過苟延殘喘惠齡尤當奮勉進攻將賊首張
正謨速行拏獲殲淨賊匪就近前赴榔坪會合夾

擊剋期撲滅又胡家砦賊匪糾衆焚搶戕害官兵
實爲可惡今明亮到彼後察看形勢設法布置將
賊匪一鼓殲除焚燬賊巢所辦可嘉明亮等已降
旨分別加恩矣現在孝感賊匪業經剿淨明亮卽
同德光帶得勝之兵迅速馳往當陽枝江一帶協
剿亦如剿辦孝感賊匪一鼓蕩平方爲妥善再當
陽賊匪攻圍日久今畢沅雖已將東門攻破進據

半城而西南北三面賊匪尙在拒守當陽縣城甚小官兵旣經入城何以仍未能乘勝剿除肅清縣治此時賊匪已退入城心高牆大屋之內勢更窮迫畢沅等務當倍加奮勉立功自贖至湖廣督篆已令永保暫署畢沅雖無地方責任但現在湖北州縣被有水災一切撫卹事宜正須經理畢沅於剿捕當陽賊匪完竣卽當將災賑要務實力妥辦

再明亮奏安頓鄉勇一事所見固是但現在各處
剿賊正資鄉勇之力若稍露端倪令其疑懼所關
非細著永保等存之於心妥爲覺察斷不可稍有
宣露卽隨營辦事之人亦不可令其與聞統俟大
功全竣後再行妥協籌辦

上諭內閣曰明亮自抵孝感後分設營卡緊逼賊巢
卽派撥將領分路進攻立將賊巢燒燬所有抗拒

屯集之賊悉數殲擒實爲奮勇可嘉明亮著加恩
賞給輕車都尉世職用昭優獎仍著酌量情形就
近帶兵剿賊仿照此次迅速辦理以承恩眷總兵
德光著賞給達冲阿巴圖魯名號副將九十著賞
給札布棟阿巴圖魯名號仍照例各賞銀一百兩
副將百祥著賞戴花翎藍翎侍衛保邦色克通阿
均著以三等侍衛陞用遊擊常格馬斌均著以應

陞之缺卽補前鋒驍騎圓敏守備徐得干總孫維
賢楊吉李生瑞均著賞戴藍翎知縣陳桂生州判
胡密遇有應陞之缺卽行陞補其隨征奮勉出力
官弁俱著查明咨部議敘以示鼓勵

十一日

甲寅

明亮奏言孝感縣自教匪滋事以來

城市四鄉居民多有移避他處者現在陸續歸
來其中恐有匪徒乘機混入不可不明加安撫

暗事稽查自當暫留兵數百名分駐城鄉以資

彈壓

臣

現在原帶之固原兵西安滿兵又總兵

德光原帶之固原寧夏兵及此次隨同打仗之

江西兵共二千一百名仍行帶往枝江一帶協

剿其餘設卡防守江西兵丁一千餘名應行酌

量撤回查孝感縣城人民稠密暫留兵二百名

楊店驛地當孔道暫留兵一百名又據藩司祖

之望稟報隨州地方間有棗陽剿敗之賊竄入
須嚴加堵捕因飭贛州後營都司福寧阿帶領
兵二百名協同前次派往兵丁二百名實力堵
剿庶聲勢壯盛東南一帶不虞再有匪徒竄入
之事其餘江西兵五百名卽行撤回令署督標
中軍副將額勒金布帶回武昌省城分駐查省
城各營原存城兵七百六十名今又撤回兵六

百七十名俟有需調撥之處聽候調用如各路
皆不需調撥卽令江西兵丁先行回營以省糜
費而息兵力所餘軍器火藥均令解貯省局至
鄉勇人等擬將曾經隨同官兵防守堵禦之人
各賞給銀牌等物其三次埠爲入省水路要道
召募鄉勇較多業經鹽道保定捐給口食毋庸
再加獎賞惟查有州同職銜許溥督率料理甚

爲安貼更能堵禦殺賊始終不懈又有賞給七
品頂戴之武生萬年樂及武童楊忠朝吏員楊
紹賢監生楊其本文童夏漢紀實在奮勇出力
殺賊有功均堪錄用其曾被焚掠百姓現飭加
意撫卹賊匪田地房產應令地方官確查明晰
照例入官以杜爭端再臣與德光卽行起身由
水路前赴當陽枝江一帶協剿所帶兵二千名

分作四起行走以免阻滯

同日景安奏言查河南之鄭州新野被擾村莊
本屬無多現已委員分查歸業民人已有十之
八九民情甚屬寧帖至湖北襄陽棗陽一帶

臣

亦札飭襄陽府胡齊嵩率同該縣分查妥辦

臣

亦曾密委豫省各員改裝前往分路察看並密
訪竄匪形跡昨據各委員查回面稟經歷村莊

如呂堰驛一帶經大兵剿復爲日久歸業者
已有十之七八其張家集王家崗等處甫經剿
復者歸業民人亦有十之三四五六不等

臣當

復飛飭該府酌量情形先儘無力貧民妥爲撫
卹安頓務期餬口有資棲止得所至各處村莊
從逆悔罪投出者若實係被脅從賊之人各該
村不獨容留尙肯周濟惟向係邪教從逆之徒

投回該村往往不爲鄉黨所容非逐出境外卽
執送到官現在臣處卽有被執送到多名臣現
謹遵前奉

諭旨凡係邪教悔罪投出不爲鄉黨所容執送到官
審明卽擬發往新疆或吉林賞給兵丁爲奴其
本係良民被脅從逆悔罪逃出者亦卽釋放歸
業尙有本係邪教並未從逆或被執送亦應發

遣不留內地以絕根株

同日祖之望奏言伏查孝感逆匪乘虛滋擾抗拒官兵實屬罪不容誅今將軍明亮統領雄師

悉心調度一鼓殲除不獨

臣

等忻感難名卽商

民亦無不同聲忭舞其慶救寧所有被賊擾累難民前經隨時撫卹或卽雇作鄉勇現飭該府縣等查明房舍如有燒燬卽爲量予修葺田地

曾經蹂躪卽令補種秋禾務須妥爲安頓俾令
各復生業尙恐有習教潛匿未盡改悔者卽責
成各義勇首事查明送官訊辦以淨根株并不
得挾嫌誣指自干罪戾近聞棗陽當陽枝江等
處賊勢俱極窮蹙正當搜捕喫緊之時更恐或
有竄逸其下游各屬兵勇尙須酌留防捕不能
盡數減撤一切善後應辦事宜容臣詳悉籌議

詳稟將軍督撫臣次第辦理均奏入

上命軍機大臣傳諭明亮祖之望曰明亮奏留兵分駐城鄉又將江西武昌兵撤回省城如各路不需調撥卽令江西兵丁先行回營以省糜費所辦皆是其單開奮勇出力之鄉勇許溥等卽著照所請分別加恩用示獎勵明亮已同德光帶兵前赴當陽枝江一帶剿捕賊匪務須倍加奮勉如剿辦孝

感之賊迅速撲滅方爲妥善至祖之望奏稱民人
內有邪教潛匿未盡改悔者卽資成各義勇查明
送官訊辦一節所辦失於欲速此等愚民無知被
邪教煽惑未知改悔固不可不留心查察但該省
正在剿捕賊匪之時地方卽有一二悞習邪教未
盡改悔之人祇應不動聲色密爲防範以期潛移
默化統俟事定後妥爲辦理如景安本日所奏悔

罪投出民人內其本係良民被脅從者俱遵旨釋
放歸業始爲得當今祖之望乃責成各義勇查明
送官則此等反側之徒未免心生疑慮且恐鄉勇
等或有挾嫌誣陷情事豈不駭而從賊殊有關係
著密諭祖之望祇當存之於心安爲查察不可稍
有宣露卽屬吏幕友亦不可洩漏爲要

臣
等謹案我

國家軍政嚴明簡練勁旅遇有征調事宜原不必
雇募鄉勇等以供派撥此次楚北教匪滋事
特因勾結四起一時分路堵剿兵力轉調不
及且各地方紳士等自衛身家本有團集守
禦之舉是以地方官就地雇用藉資其力祇
屬權宜之計至鄉里愚民頗有習教者屢經
諭令投誠免罪脅從罔治卽有未盡改悔者亦當密

行防察使其反側潛消乃祖之望欲責成義
勇查明送官殊不思此輩義勇半皆無藉之
徒習於鬪狠設有挾嫌誣陷情事豈不別滋
事端

皇上仁育智周前於明亮奏請安頓鄉勇時

諭知永保等不可稍有宣露致令疑懼此次復蒙

諭令祖之望存之心妥爲查察仰見

睿慮精詳於鋤暴安良之中寓默化潛移之用豈淺
見所能窺測哉

十五日戊午永保恒瑞慶成郭輝奏言臣等前於

剿洗梓山賊匪後卽移營前進探得梓山之西
南青潭地方界連隨州向日人烟稠密地方亦
極蕃庶自三四月間襄屬賊匪糾衆滋事已將
青潭搶掠一空該處居民遷徙逃亡所剩房屋

被賊佔據查該處出入路徑甚窄四面皆有高
崗複嶂週圍盡係水田賊匪盤踞日久於各路
俱設卡障護察看形勢必須設計以次攻取方
可得手

臣

等公同商酌於初五日五鼓

臣

恒瑞

同總兵德齡督率協領穆克登布等帶領弁兵
由西南進發

臣

慶成帶領巴圖魯侍衛祥金保

等由北面攻取總兵富成率領副將穆維等帶

領馬步弁兵由東南直上崗嶺下瞰賊巢

比承

保鄂輝酌帶弁兵分路策應官兵將近賊卡賊衆卽分投衝撲各起官兵接踵奮勇攻擊縱橫衝殺先將東西北三面賊卡奪獲旋即併力下壓直破青潭賊度力不能支隨紛紛向山崗樹林逃竄官兵分路追剿沿途截殺男婦甚多隨將青潭克復眼見鎗斃執旗賊目二名生擒活

賊十三名訊得已死賊目係劉起華韓小老二
名劉起華係劉起榮之弟至頭目劉起榮李大
樹先已逃竄實不知現往何處餘無要供均卽
正法查離青潭五十里之龍門山爲隨州鍾祥
交界之處亦舊有賊匪屯聚大約劉起榮等及
敗散餘賊均復竄入其黨臣等現在稍齊兵力
卽乘勝趕赴龍門山相機速辦惟是逆匪奸狡異

常一經潰散無不零星竄逸其逆首更已遠

自必逃往前途屯聚賊匪夥內查隨州邊界現

有前派之江西弁兵及該州督率鄉勇分路堵

截_臣等已差本地熟悉路徑之人賫諭繞路前

往飭令該州加意防堵不可輕於迎敵諒不致

有疎虞至總兵楊秀在鍾祥帶兵堵禦昨據稟

稱連日兵勇在各路哨探陸續盤獲賊匪訊據

僉供現在頭目姚之富與賊衆據居鍾祥南泉
畝意欲由臥牛山郭家衝兩路南竄等語查姚
之富既稱現在鍾祥賊夥似屬實情除一面飛
飭楊秀等督率文武員弁兵勇於各要隘加意
留心堵截擒拏但兵力尙單難以禦賊現與督
臣畢沅札商先行抽撥官兵速赴鍾祥協剿

永保又奏言查楚北等處邪匪自滋事以來迄

今數月惟鄖陽一屬得以廓清當陽聞已得手
據畢沅札知不日可以完竣孝感有明亮前往
該處賊匪無多或可期迅速蕺事來鳳相距較
遠至今尙未得悉實在情形餘如枝江剿辦逆
匪自覺兵力稍單尙未能尅期集事鍾祥賊匪
日來屢次分道撲犯勢甚猖獗總兵楊秀兵不
滿千甚形支絀此外宜昌所屬各處逆匪適據

臬司張長庚稟知長陽榔坪賊匪林之華等糾
夥屯聚踞爲巢穴該處與歸州巴東等處接壤
賊人出沒無常時遣夥黨分途滋擾因現無兵
將難以撲剿祇可飭令各府縣廣募鄉勇於水
路要隘層層設卡盡力固守以待大兵是該處
尙無官兵剿辦更屬可慮卽臣與恒瑞慶成鄂
輝總兵富成德齡等會剿襄陽一帶賊匪仰仗

皇上洪福得有數千兵力始得將豫楚交界及棗陽之賊匪剿除然地勢寬廣賊衆寸節分屯其數倍於官兵是以節次祇能設法剿洗漸次殲除而究不能分兵四面兜圍盡行殲戮以致首逆尙未弋獲伏念楚北地居各省之中爲心腹最要之區此等逆匪醜類無多各處蠢動彼此相隔不遠其在城中俱用白衣白帽爲號卽係逆

匪去其衣帽原係本處民人言語服飾與尋常
百姓毫無區別該省路徑是其熟悉難保不暗
通消息及探聽官兵虛實另生別計且明知罪
惡已深難邀寬宥是以抵死抗拒不復有悔改
自新之意似此情形若僅以各處現有之兵欲
速將各處所有之賊剪盡根株其事恐未能卽
時得手若再輾轉因循則燎原日甚不特各處

良民受其擾害更恐賊勢連絡鳴張兵少之處
稍受損挫於全局更有關係

臣

日夜思維此等

烏合之徒固不足深慮然以事勢而論必須酌
添兵力及早蕲事最爲至要現在湖南苗疆只
須酌留一二萬防守之兵其餘官兵可以全行
調赴楚北固屬甚善或撥兵二三萬分赴枝江
宜昌孝感鍾祥等處協剿亦可期計日成功官

兵由湖南前來湖北係順流直抵荊州計八月
內卽可趕到彼時酌量各處情形何處應添兵
若干卽由荊州撥往協剿自可迅速竣事不致
再有遲延其糧運軍火亦應請

旨預飭撫臣汪新早爲備辦臨期臣卽輕騎親赴荊

州酌量各處情形分撥兵丁督催迅速分往察

看何處緊要臣卽先行趕赴董率辦理均奏入

上命軍機大臣傳諭和琳永保畢沅曰永保等於剿
殺梓山賊匪後正應乘勝直前擒拏賊首乃祇將
迤南青潭屯聚之賊分路攻擊奪獲賊卡而該處
賊匪仍復竄往隨州鍾祥交界處所並未能一鼓
殲滅殊不滿意湖北剿捕事宜已專交永保督率
調度今所辦仍未能得有把握現在姚之富與賊
衆屯聚鍾祥南泉畝地方欲圖南竄而楊秀在彼

兵力較單永保等務將該處賊匪悉數殲除卽馳赴鍾祥併力搜擒姚之富等勿再遲緩至明亮已將孝感賊匪剿淨早經奏到何以永保相距甚近轉未知之摺內尙稱孝感賊匪無多可期迅速肅事明亮現已帶兵前赴當陽該處固守賊匪業經畢沅攻破東門進據半城加以明亮前往協剿諒已肅清縣治畢沅明亮卽當會兵速赴鍾祥乘勢

進剿至永保旣統辦軍務因楊秀在鍾祥兵力無
多自應酌量抽撥又何必札商畢沅轉致延緩又
據奏請於湖南撥兵二三萬分赴湖北協剿永保
二路兵力不爲不多今因賊匪各處竄聚僅能向
前追剿不能四面兜擒似此日久相持焉能尅期
蕆事著和琳卽於湖南苗疆各卡隘及後路防守
兵丁內擇其無關緊要可以減撤者酌量抽撤二

三萬派委勇幹鎮將先行帶領由水路順抵荊州
交永保調度分派其糧運軍火等項並著汪新預
爲備辦應用無悞